




# 商南縣志










孔廟圖







商南縣公署圖





五





第一室

商南縣輿地全圖

圖考

按周禮職方氏掌天下之圖辯其邦國與其財用周知其利害此圖之所自始也邑山川地理之區分城署廟壇之建置莫不有制有制斯有圖兵燹後無志可考圖亦弗存今特繪於左

商南縣志

卷首

圖考

圖說


一

西安藝林印書社代印

圖說

開闢以來天地一大圖也日月星辰垂其象五岳四瀆呈其形圖之昭然於兩間也明甚河出圖宓犧畫卦洛出書姒禹演疇河圖洛書皆圖也圖乃文字之祖周禮職方氏掌天下之圖昉此焉商南版籍素隸西秦當日蕭何入關先收秦府圖籍圖之由來久矣西蜀羅公舊志各圖內容不無簡略茲特從新表繪不厭求詳俾幅員城署廟壇學校開卷而瞭如指掌非滅古也亦因時制宜云爾

柳宿圖



步天歌柳  
 八星曲頭  
 垂似柳近  
 上三星號  
 為酒享宴  
 大酺五星  
 守

商南縣志敘

天地精英之氣無處不發爲休祥上則爲日星下則爲河嶽凡忠孝節烈仕宦文學以及流寓名賢物華天寶必待其人以傳之顯微闡幽以大其風勵培植之功故國有乘邑有志習俗之淳澆政治之勤惰於是驗焉殆非可因陋就簡聽其漫滅而諉爲異人任也國朝 列聖相承制作明備命直省開館纂修通志諸大憲審慎奉行無遠弗届况商南本蒼帝玄王之奧區薰陶於文武成康之雅化固典章文物地也而志乘寂然俾一方自古人物風土之奇黑夜無光落落無文後先頽委其所由來遠矣西蜀 羅公以斯文領袖來蒞茲土不憚搜輯手訂志書四卷將付諸梓既又新

商南縣志

卷一 敘

西安藝林印書社代印

膺選擢視篆蒲邑因出所爲商南志下問焉予捧而讀之覺綜覈詳明條分縷貫簡而該典而贍凡某也忠孝某也節烈某也仕宦文學某也流寓名賢班班可攷山川勝跡不啻面對物華天寶舉目瞭然仔獨創之舉補千秋之憾可不謂盛事哉而公要不徒擬拾舊聞編摩梗概爲粉飾太平之具也商民貧則多方積貯以固其本俗少文則廣勵學宮以觀其成樽節愛養貞志彰教淑人心而維世道者大綱丕振至補偏救敝事涉纖悉亦必勲勲懇懇經畫調理仰體皇上仁育義正之心恐負大憲撫循生全之訓茲志通體皆滿腔真意所流貫也爰資觀風者之採擇以佐國史以昭來茲無愧矣豈徒文采風流云爾哉是爲敘

昔乾隆十三年歲次戊辰小陽之吉賜進士第翰林院庶吉士關  
中書院掌院治年家弟李士元拜撰

商南縣志

卷一 敘

一一

西安藝林印書社代印

續修商南縣志序

邑有志紀實也曷言乎紀實蓋以表彰一邑之政治制度文化風俗紀載其事實以繼往而開來前清乾隆時羅公文思創修縣志四卷詳矣潮流所趨政體更變不有志焉知往不續修焉知今前清往事無論矣民國開幕泊乎今日波詭雲譎變幻迭乘慨往籍之將湮恨新知之未載於是續修縣志之議朱前任聯鑣倡之而一般碩學宿儒羣起而贊助之稿甫脫朱君旋解組去苦心孤誼一簣功虧良可慨矣余蒞任之次年路紳炳文赴參議覆選出稿示余余毅然欲竟其功而未果又越次年己未大局甫定匪患漸平乃延紳耆設局所悉心編輯刪繁補遺得十二卷雖不敢謂至商南縣志

卷一 敘

三

西安藝林印書社代印

詳且備然自乾隆十七年以至民國八年其間政治制度文化風俗或可藉資考證焉斯志也創修者誰余同宗文思邑宰也續之者誰余也世隔兩朝志成一姓何先後之同揆耶余不得而知之敢質諸後之修志者

中華民國八年十二月吉日

六等嘉禾章五等金質單鶴章商南縣知事羅傳銘撰

續修商南縣志序

伊古以來有百年不易之山川無百年不更之事蹟典章文物歷代變遷靈秀菁華隨機發洩閱時既異風俗人物制度文爲亦莫不因之而大殊昔之所有或爲今之所無昔之所無或爲今之所不有若復因仍舊志將來繼起事實磨滅不彰恐代遠年湮傳聞更爲失實 上憲欲採風問俗鮮所憑依士民思顯微闡幽無從考核晨星落落黑夜無光衣冠禮樂之區變爲草莽荆榛之境豈不大可慨哉考諸前志明兵燹後舊志無存清乾隆十七年西蜀羅公文思以文章司命人物權衡來宰是邦創修縣志四卷至今披覽圖籍一縣之事瞭如指掌其著述之明備實非後起者所能得

商南縣志

卷一 敘

四

西安藝林印書社代印

其津梁也咸同之際髮逆與捻匪交訌其間立功殉難者不一而足洎乎光宣海禁大開交通中外舉行新政頓改舊觀民國肇造以來因革損益化敝文明際此時循名核實詳細記載尙不致失其本真縱物換星移而人事之特出物產之精英風俗之純樸美備直與日星河嶽亘古常新潛德幽光晦而復顯前言往行失而復傳其有益於世道人心也豈淺鮮哉茲幸湖廣朱公聯鑣來蒞斯土熱心政治力任艱鉅素具著作之長才願爲發凡而起例爰集合縣耆宿共此鴻圖 炳文 不學無術謬膺編輯猥以戴石之鰲藉爲識途之馬勉襄此舉盛事叨逢謹竭所知分門實註愧鴻編之莫製實鳩拙以難藏草創初成竊效嘖於稗氏折衷至當是所

望於諸公

中華民國五年孟冬月勸學所所長優廩生路炳文撰

商南縣志

卷一 敘

五

西安藝林印書社代印

續修商南縣志序

縣志一書所以紀載往事昭示將來關係不綦重哉清 羅公文思創修縣志迄今幾二百年咸同間匪氛數擾兵燹疊經光宣而後民國肇興其間典章文物滄桑之變新舊之分殆未可聽其湮沒茲幸邑宰 羅公丹書主任續修之舉設局所延紳耆採訪搜羅不遺餘力自乾隆十七年以至民國八年共得一十二卷其文簡而賅其事美且備豈徒鋪張揚厲誇一時之盛軌也哉斯志也創輯者羅續修者亦羅符節之合殆莫之爲而爲者歟

中華民國八年季秋月增生賀鸞撰

續修商南縣志序

溯自禹貢志地奠山川爲綱畫九州爲目周禮志官定六卿爲綱分三百六十爲目兩聖之經營明德創制顯庸皆載此書體大思精規模宏遠一世行之萬世賴之志之爲書烏容已也厥後因之歷代史乘而外郡縣亦各有志商南縣自乾隆十七年西蜀羅公文思宰商崛起創修勒成志書四卷至今按籍披吟詳哉其言信乎當日滿腔真意所流貫也然而久矣民國五年朱公少菴來蒞茲士有志續修惜乎未竟自茲以往倘再無繼起者力促此舉悉勒成書俾之終梓猶然任一邑之廢興隆替土俗民風沒焉不傳已屬遺憾而且窮簷陋巷德行忠義節烈足正綱常勵頑懦者歷

久就湮觀感無自將何以振興風俗鼓舞人心而大爲之勸也雖然當此倥偬戎馬之餘邑界楚豫兵匪滋擾財力殫虛而欲續成此舉良非易易幸 羅公丹書以理煩治劇之才爲繼往開來之舉猶勤懇於志乘而續修之誠盛事也 錫堂得附驥尾冀贊一辭履館後謀諸同人共相商度雖不敢妄爲更張亦不欲一意沿襲爰參考他邑志乘兼根據吾商舊志權定大綱凡八以總提要領附目四十有六以分紀事實關於輿地建置兵農諸大端蒐獵互參廣爲徵述關於德義忠孝節烈諸懿行詳加搜考據實表揚期無負今日 羅公立言之深心斯得矣紬斯志也援古據今昔日羅公創於前今日 羅公續於後以補罅漏以昭來茲同一滿腔

眞意所流貫於商實有賴焉豈徒著述云乎哉

中華民國八年孟冬月吉日清歲貢生曹錫堂撰

### 續修商南縣志序

聞之莫爲之前雖美弗彰莫爲之後雖盛弗傳凡事皆然而志乘爲尤要我縣志書自清乾隆十七年西蜀羅公來篆斯土創編縣志四卷凡典章文物政教風化無不條縷分晰簡該典贍後之覽斯志者朗若列眉瞭如指掌雖千載如一時也咸同間髮逆捻匪紛至沓來其間奏捷建功者不一而足死節殉難者不乏其人光宣後中外交通損益革沿舊章頓變迄至民國新政愈繁使不乘時續修恐代遠年湮星移物換某也忠孝節義某也名宦鄉賢與商南縣志

卷一

敘

七

西安藝林印書社代印

夫山川之勝蹟物產之精華皆磨滅而不彰也豈不深可慨哉茲幸安康羅公丹書擅著作之長才肩邑侯之重任簿書鞅掌慘淡經營毅然以續修縣志爲己任斯志也昔之羅公修於前非所謂無美不彰者乎今之羅公續於後非所謂無盛不傳者乎前後二羅公其姓同其地同其銳意修志之心亦無不同

畏天譎陋無文

謬充編輯能不筆之於書俾二公姓名彪炳兩間輝映千古與青史並垂不朽也哉是爲序

中華民國八年季秋月吉日清恩貢生田畏天撰

續修商南縣志序

曠覽五大洲縱觀千萬世往者如寐而夢來者如醉初醒恍兮惚兮古人邈矣窈兮冥兮前事成爲幻境矣不有書籍我安知古人後人又安知我不有志乘我安知一邑之事一邑又安知我之事前有縣志四卷羅公文思所創修也後人知有羅公羅公不知有後人也今縣志十二卷羅公傳銘所續修也羅公知有前之羅公前之羅公不知有後之羅公也其姓同其熱心修志亦同此商南縣志所以不至泯滅而兩羅公亦藉斯志以俱傳也余湘人也幕於斯躬逢修志屬余編輯余惟貢其所能知者而已其不能知者有諸君子各抒所見余何必齷齪也斯志也起於乾隆十七年終商南縣志

卷一 敘

八

西安藝林印書社代印

於民國八年其間有忠孝者有節義者若者爲名宦若者爲鄉賢讀其志想見其人聞其風不覺淳然興余乃大聲疾呼曰斯志也足以維持世道人心挽回末俗憤憤者醒夢夢者覺頑者廉懦者立方不負兩羅公修志之心則斯志爲不朽矣  
中華民國八年十二月吉日商南縣總務科員長沙劉大烈敬撰

續修商南縣志序

商南邑乘前清乾隆時纂自西蜀羅公迄今近二百年其間政治之得失風俗之變易人才蔚起節義流芳以及兵燹迭遭災祥互見不知凡幾倘不筆之於書恐年湮代遠向蟬問冰有茫然不知者矣前之蒞斯土者屢議續修然或託諸空言或旋即解組卽有二三同志亦限於才力之不足何以分類揚鑣使我商數百年歷史如在目前哉民國丁巳春 羅公丹書捧檄來商維時改革未久政教廢弛瘡痍滿目兼之士匪紛擾軍隊沓來 公則從容擘畫措置裕如猶能於嗷鴻遍野戎馬倉皇之際爰集同人續修縣志此蓋以正人心勵風俗爲要務不徒以粉飾詡隆平也是志也

凡政教文章名流士宦以至山川草木鳥獸蟲魚無不備載語不涉於荒唐事不同於草率書諸簡冊不虞文獻之無徵採自輜軒不患傳聞之失實今昔兩羅公不與此志並傳不朽哉

中華民國八年季秋月農林會長清歲貢生趙士瑜撰